

## SALATKIENĒ ALINA



I ton narami pasauli atejau 1916 metu rogsiejē 17 dēna Sankt Peterburgē. Tēn tou laiko tievielis bova babēngous parmacējēs muokslus. 1918 metu rodēni, sožēnuojēs aple Naprēklaušomas Lietovuos Vyriausybēs kvēitēma vēsēms lietovēms Intelligēntams gryžtē i Tievynē ēr prisēditē pri anuos atstatyma, tievielis so mumis išsēruošē i Lietova. Bēf ons sava svajonēs atēdarytē Rēitavē a Kullūs vaistēnē nablgyvendēna. Pakellou i Lietova ožsēkrietē diemietoujē šēltēnē, dar plautiu oždegēms prisēdiejē ēr naožēlgo ons mērē.

So mamo parvažlavuom i Lyžiū suoda, katra yr natuolēj Endrijevava. Muokiaus Rēitava pradiuos muokykluo ēr pruoiglmnazējuo, paskiau Telšiū gimnazējuo, Šiauliū muokytuoju semēnarējēs organizoutūs kursūs. 1937 metaas gavau teisē ožsējimtē muokytuojēs praktika. Pedaguogē išdērbau 27 metus.

Apsakymēlius, nuovelēs, jumuoreskas pradiejau spausdintē dar "Žemaitiu prietellou". Eilieraštius pradiejau rašytē jau išėjusi i pēncējē. Pradiėjusi skaltytē "A mon sakaa, pamiegēnau ēr žemaitēškaa eiloutē. Nu tuo vēsks ēr prasēdiējē...

Kaa tik išgērsto žemaitēškaa Šnekont, šērdēs atsēgaun...

1944 metu vasarē 8 dēna

### Diekou

Diekou Tau, Dievi, ož aukštouji dongu,  
Ož saulēs nuostabē švēlsa.  
Dēkau ož jūra, Nemuna brongu  
Ēr muotīnu skiepyta tēlsa.  
Diekou ož švelnu viejē dvelkēma,  
Cyruliū gēismē onkstyva  
Ēr ož bētelīu lēipuos dūzgēma,  
Medo, kaap ašara tyra.  
Diekuo Tau, Dievi, ož laisva Tievynē,  
Dalnēs, kalba senuollu,  
Nuors anou trypē, vēs tēk napamynē  
Pēktē polkaa tū maskuollu.  
Gyva ēr šēndēln ta kalba lietoviu,  
Gyva žemaitiu tarmie.  
Diekau Tau, Dievi,  
Kad esam kaap bovēn,  
Nasunaikintē laika tiekmie.

### Sausē trylēktuoji

Kor nolašeje kraujē lašos,  
Išdygo lelējē.  
Ont balta snēlga kraujē lašos —  
Pražyda lelējē.  
Blēgs dēinas, mieneseē ēr metaa  
Bujuos ta lelējē,  
Konkinta, šaudyta ēr smaugta,  
To brongi Lietova.

### Tēvynē

Tēvynē mona — šalposnē žēidelis,  
Išaugusi smēlga pakelle,  
Darželle kvepontī rūtelē  
Ēr paukštīu klyksmos pamarie.  
To — žemē Dariaus ēr Giriena,  
To — žemē mēlženū tvirtū.

Katrēi sodiejē Atgēmēmou  
Na vēina auka — daug aukū.  
Geraa, ka to mums duovanuota,  
Bronglausē žemē ēš vēsū,  
Bovaa ēr būsi apdainlouta  
Dokrellu sava ēr sūnū.

### Baltējēs kels

Žmuonēs vēs ejē, važiava...  
Vuo pakelies degē žvakelēs.  
Baltējēs kels išvingiava  
Nu Vēlniaus par vēsa šalelē.

Ronkas žmuoniū sosēkēba  
Ne šuokiou, vuo nuorou laimietē.  
Mēslēs i vēlna soblega:  
"Tievynē tor laisvē torietē!"

Baltējēs kels novingiava  
Par Latvējēs, Estējēs žemē.  
Vielevas dongo bočiava:  
Mums laisvēs douk,  
Pondēlvēl Amēn.

Vaakaa, senokaa ēr jaunē  
Kaap mūraa tou dēna stuoviejē.  
Dyvējuos vēsos pasaulis:  
"Kēik drousuos tēl  
žmuonēs toriejē!"

Baltējēs kels novingiava  
Nu Vēlniaus i Tallna sena.  
"Lie-to-va! Lat-vē-jē! Es-tē-jē!  
Lals-vē!"  
Vēs žmuonēs skandava —  
Vēltēs krūtēnte rosenaa...

### ŽUOLĒNĒ

Žuolēnē... Švēntē gražiausē.  
Bažnyčē pražyda žēidaas.  
Stuov tēn Marijē švēnciausē,  
Džilaugas varguonu garsaas.

Krapēj gražiauslus žuolynus  
Ēr varpas ruglun ēr kvēitlun,  
Lalmēn tas muotrēškas, vyrus,  
Prašontius metu gerū.

Truobuo tus švēstus žuolynus  
Padles ož paveikslu švēntū,  
Audraa, perkūnou atslīnkos,  
Smēlkys vēsas kertēs nomun.

Žuolēnē... Švēntē gražiausē  
Pakvēpa kvietkiellu kvapaas.  
Altuorlou Marijē švēnciausē,  
Ruods, šypsuos ēr gēld so vēsaas.

### Telšee

Šērdēs Žemaitējēs — Telšee —  
Ont kalvū ēšauga.  
Grazē rūmaa ēr švēntuovēs  
Prabongoma sauguo.

Suostēnē Žemaitiu mūsa,  
Kas lavē sokūrē?  
Kas klestiejēma, augēma  
Tau nu sena būrē?

Kas per karus ēr pu kara  
Tavē ratavuojē?  
Kas švēntuovēs ēr moziejo  
Dēdlee šenavuojē?

Ak, Telšee, branглаusis miestē,  
Laumēs laimē būrē,  
Vuo klestiejēma, augēma  
Tava vaakaa kūrē.

(Nukelta i 36 psi.)



## SALATKIENĖ ALINA



Gaudiešiaus Vlada puortėgrapėjė

### Triemėmaa

*Kažkas išėjė saulės ont petiū parneštė,  
Vuo parnešė tik varga kėlta.  
Reikiejė tūkstantius iš tievėškės išvežtė  
I tuolėma ər šalta vėlta.*

*I rytus! I rytus! Tuolyn nu Tievynės...  
(Nekriuokėt, svyruoklee beržaa)  
Už ton, ka myliėjė sava Tievynė,  
Nuortiejė gyventė gražee.*

*Neklausė kas: kūdėkee, vaakaa, senelee —  
Bylee prigrūdus vaguonus kėitiau.  
Tik neliiudiekėt, pakeliū smūtkeelee,  
Jug Sėbėra žemėlė vės artiau.*

*I rytus! I rytus! Skundėks, jumis išdavės,  
Jau narša pu truobas, pu jaujės.  
Ər, torta nemaža ož atpėlda gavės,  
Viel saarašus pėlda ons naujus.*

*Vuo jums jau paskėrta yr tundra ar taiga,  
Tik dounas tən, šėlumuos nier.  
Ne vėlins tən parkrėšėt sostingės, sošalės,  
Nebgryšėt nomėi nikaduos.*

*I rytus! I rytus! Už kon! Ni neklauskėt!  
Mes — priešaa "platiuosės tievynės".  
Dabaa tik pri kūna vėns kėta priglauskėt  
Ər sauguokėt tus, kor negėmė.*

*Per dėinas ər naktis tėj rataa vės dund,  
Pru bėldes! — gėismės ər maldas...  
Mažėjee vės kriuk ər aprimst tik išgėrdėn  
Tylės mamieliu raudas.*

*I rytus! I rytus! Tėj goltaa medėnee  
Biškieli vargdienius priglaus.  
Tik roustaa tėj smagė, fik roustaa ledėnee,  
A nuorat gyventė naklaus.*

*Nakriuokėt, smūtkeelee, pri kelė patėkėn,  
Tikiekėt laikaas geresnees.  
Sogryš i Tievynė ne vėsė, kas lėkėn,  
Sogryš jau plaukelees žėlaas.*

*I vakarus! Rytus! Skundėkaa išbalėn  
Kavuotėis skubėes nu baumles.  
Nuors pavardės keis, naujus pasus išgavėn,  
Nu saazėnės juk napabėigs.*

### Žvaigždėlė

*Žibiek, žibiek, žvaigždėlė vakarėnė,  
To iš dongaus kelelviou vėlnėšam.*

*Anuo daa lauk keliuonė begalėnė  
Gyvenėma tam ratė omžėnam.*

*Ons eet ər klump, viel stuojės ər vės ėiška  
Geroma, meilės tarp žmuoniū...*

*Tiktaas geroms kaap tėj porslaa ištėška,  
Vuo meilės reek ėiškuotė kaap paukštliou trupiniū.*

*Tat šveisk, žibiek, žvaigždėlė vakarėnė,  
To iš dongaus kelelviou vėlnėšam,*

*Kad ons nuors meilės tropėnius pasietom  
Gyvenėma tam ratė omžėnam.*

### Ronkeliu nenoleiskėt

(Eilieraštis skėrts Žemaitiu  
Akademėjės ər Žemaitiu kultūras  
draugėjės vyrams ər muotrėškuoms)

*Kalnaa, kalvelės, opės, mėškelee,  
Ežerū, jūras akelės...  
Če nu senuovės gyven žemaitėlee —  
Didvyree mūsa šalelės.*

*Kėik reek rašytė, ka surašytomi  
Tautaa daug davuslus vyrus.  
Net ir par metus nasorašytomi  
Puosmus aple anū žygius.*

*Žmuonės drousausė, mėlžėnaa dvasės  
Bodėna, kielė Tėvynė.  
Sunkee ana kielies, Dievė gerasis;  
Tuokė jug bova gadynė.*

*Əlgaa mėiguojėn alnee, sokroskėt  
Vėskon viedint nu pellesiu!  
Dėdėl nuora stalgee pajoskėt  
Krašta prikeit iš griuviesliu.*

*Ronku, ronkeliu Jūs nanuleiskėt,  
Bruolee ər sesės žemaitėel  
Kalba, kultūra savoujė skelbkėt,  
Dyvėjės teگو aukštaitėel!*

### Gyvenėms tik vėins

*Nuorietiuo, ka Žemė ne kraujo,  
Vuo gjeleems pasėpuošto,  
Ka viejee sau laisvaa  
Tarp vielevu uošto.  
Ka vyraa ne žygė, vuo meilės  
Dainės sau dainliouto,  
Ka muotinas vėsa pasaulė.  
Ramee sau mėiguoto.  
Nuorietiuo, ka vėltuo raketu  
Paukštelee skraidyto,  
Ka opės tik vondėn!  
Tyra plukdyto.*



## Amarilis

Pražyda amarillis  
Ružavaas žėidaas  
Ėr moni atgaivėna —  
Viel džiaugous so vėsaas.

Nošvėta, ruoduos, dongos,  
Skaistiau saulelė švėit,  
Žėidelee nel pru longus  
Vėsus šypsuoėtėis kvėit.

## Telšee

Šėrdės Žemaitėjės — Telšee  
Ont kalvū ėsauga.  
Gražė rūmaa ėr švėntuovės  
Prabongoma sauguo.

Suostėnė Žemaitiu mūsa,  
Kas tavė soktūrė?  
Kas klestiejėma, augėma  
Tau nu sena būrė?

Kas par karus ėr pu kara  
Tavė ratavuojė?  
Kas švėntuovės ėr mozioje  
Dėdlee šėnavuojė?

Ak, Telšee, brangiausias miestė,  
Laumės laimė būrė,  
Vuo klestiejėma, augėma  
Tava vaakaa kūrė.

## Žėidaa

Ėr iš kor atklyda tas gražoms i dūšė?  
Suodnė mat pražyda vuobėlės ėr grūšės.  
Nagallo nuleestė aktun nu žėideliu,  
Nuoras atgaivėntė skaudontė šėrdelė.  
Skaud ana dėl Tievynės,  
Dėl žmuoniū bluogoma,  
Kad nabler ramybės nu anū pėktoma.  
Gal švelnoms žėideliu šėrdi noramintu,  
Gal i duora keli žmuonis sugroužintu!

## Darželis

Tuoks nadėdėlis darželis,  
Vuo pėlns žuolynėliu.  
Če, veiziek, rūtelės žalės,  
Žėidaa pėnavėju.

Dėimedis ėr auskarelee,  
Lelėjė baltuoji,  
Ėr nastortas, žemčiūgelee —  
Saulėe diekavuojo.

Daa našlėliu balts dekėllis  
Bėtiems privilluotė.  
Akys raibst nu tū kvėtkeltu —  
Kaa numaliavuotas!

## Malda

To, Jėzau, gyvybės šaltėni,  
Daug gera padarės žmuonėms,  
Palaimink ėr mūsa gimtėnė,  
Duok laimės senėms ėr jaunėms.

Kaa Baltėjės kelie stuoviejum  
Kaa mūraa pėtys pri petėis,  
Tumet mes vėns kėta mylėjuom,  
Dalėjuom geroma šėrdėis.

Vuo dabaa ta meilė pražova,  
Ožplūda guobšoms ėr pėktoms.  
Atruoda ni džiaugsma nabova,  
Tik pasakuo bova geroms.

Vai, Jėzau, geroma šaltėni,  
Pagelblek To sava vaakams,  
Ka gryžtom i mūsa Tievynė  
Ramybė elgiausėms laikams.

## Labs ryts

Labs ryts — skaistee saulelee,  
Labs ryts — darbštee bėtelee,  
Labs ryts — darželiou rūtu,  
Ka gera dėina būto.  
Palaisytek švelnoma,  
Auginkem tik darbštoma.  
Ėr žmuonės ims šypsuoėtėis,  
Viel ės petėis darbutėis.

## Cyrulis

Cyruli, linksmos paukšteli,  
Laukū pėlkaslis grumsteli,  
Šauk to i mielėna dongu,  
Sveikink viel žemdirbi brongu.

Žėnuok, ka tava dainelė  
Skomb kaap sėdabra varpelis.  
Žemdirbi kvėit padirbietė,  
Grūda auginsi pasietė.

Vėskis teep soksomba, nušvėta,  
Čiesa solaukiem jau kėta.  
Cyrulis atnešė džiaugsma —  
Net rogee šnėbzd: "Mes augsma..."

## Saulelė

Ak, brongi mūsa saulelė,  
To — Pondėiva akelė.  
Ar būtom ryts, ar dėina,  
Mataa to kuožna vėina.

Pagluostaa vabalieli,  
Pašėldaa senutieli.  
Vėsėms to reikalunga,  
Saulėlė stebuklinga.

Be tavis nieks naaugto,  
Žemelė sosėtraukto,  
Gyvenėma nabūto,  
Be tavis vėskis pražuto.

Tad švėlšk ėr švėlšk, saulelė,  
To Pondėiva akelė.  
A būtom ryts, a dėina,  
Myllek to kuožna vėina.

## Ramunelė

Baltagalvė ramunelė,  
Tau šėrdie — saulotė.  
Kon mergelee lelejelee  
Žadi to ėsbertė!

Nuor žėnuotė, sožėnuotė,  
Ar bernėlis myl,  
Ar so anou hūs žėnuta  
Ėr dėl kuo ons tyl.

Pasakyk to taa mergelee  
Vėsa vėsa tėisa,  
Ar matys so tou bernėlio  
Sava laimės švėisa...

## Mėslės ėr vaikystė

Elgė vakara šešielee  
Vės artyn, artyn.  
Mona mėslės kaap pašiolen  
Vės tuolyn, tuolyn.

Liekė i vaikystė mona  
Pas tetolė brongė  
Ėr pamatė dar ės tuola  
Žalės mirtas longė.

Keimė Sargi apkabėna,  
Priglaudė, pagluostė,  
Maža vaaka noramėna,  
Ašaras nošloustė.

Vuo truobuo so jouda douna  
Pėina atsėgierė  
Ėr i pėtvas kuo šarpiasee  
Viel pru duris nierė.

So tetolės mažo grėbllo  
Seina vartėniejė,  
So vaakaas ne vėina dėina  
Žousis varėniejė.

Temstont mažā darželieli  
Vondėnio palaistė...  
Kas padies vaikystė vielee  
Monėi besorastė!

Kas groožins mon atmėnėma  
Šėrdėe tuoki brongoi  
Elgė vakara šešielee  
Apgaubė jau dongo...

Jau aplinkou tomso tomso,  
Ožsėdegs žvaigždelės,  
Aš viel mėslėms valė douso —  
Liekis i jaunystelė...

## Pėktė viejee

Mona gliuosnee baltė baltė  
Pu longaaas sostuojė,  
Ka ni baugo būt sošaltė,  
Sneigo apsėkluojos.

Kas sošėldys mona dūšė,  
Noramins kas šėrdi?  
Viejee, ės rytū atūžėn,  
Ėsgoustiu pripėldė.

Baugo diel Tievynės laisvės,  
Diel žmuoniū gyvybės,  
Jee viel smorta dėinas rasės  
Ėš rytu galybės.

Be! atkuopusi saulelė  
Nūtėrpdys mums snėigus,  
Gal ėr viejus, pėktus viejus  
Sovarys i mėigas...

## Žėrgs

(Joukū dainelė)

Vai, žėrgieli, dveratieli,  
Ar noneši i miestiel?  
Mamaa droskas reek,  
Babaa cokraus reek.

Jee pakeisi vēntilėli  
Ėr pripūsi padongelė,  
Tumet nonešo,  
Greetaa nonešo.

Tris adynas prastuoviejau,  
Vėsas akis praveiziejau.  
Droskas nabmatiau,  
Cokraus nabgavau.

Vai, žėrgieli dveratieli,  
Nešk to moni ės miestelė,  
Nešk greitiau atgal,  
Nešk moni greitiau...  
I Vėlnio...